

DISSERTATIONIS⁷⁹

P A R S S E C U N D A.

In defendenda Brutiorum caussa , quæ calumniam continet , qua eosdem dicitur , a Romanis ad Hannibalem defecisse , usque modo studia nostra locavimus ; in præsentiarum oportet alteram eorundem causam agere , qua injuria quidem , & insolentia , traducuntur , quod Christi fuerint in flagellatione , & in crucifixione , Tortores . Hinc alteram DISSERTATIONIS partem aggredimur , in qua , & illos non fuisse , ostendemus , & quinam fuerint , investigabimus .

§. I.

Brutii Christi Tortores non fuerunt.



A sola ratione nuperus Scriptor Gallus ad pronunciandum , tanquam ex tripode , movebatur , Christi Lictores , atque Carnifices , fuisse Brutios , seu Brutianos , Italiæ populos , tractum illum Italiæ quondam incolentes , qui hodie Calabria dicitur ; quod iidem scilicet Brutii ad infligenda supplicia delinquentibus suam operam exhiberent , in pœnam , quod primi totius Italiæ e Romanis ad Hannibalem defecissent . Quum ergo usque modo often-